

**Legio Mariae:** Chësc grup se abina en jöbia ai 24.05.2012 dales 14:00 te dljia da S.Linert por l'ora de oraziun. Düc é dër bel inviä.

**L'KVV** da La Ila, Badia y S.Ćiascian inviëia düc a gnì en **pelegrinaje** al santuar "Nostra Signora di Lourdes" a Verona cun marëna söl Lech de Garda en lünesc, ai 11.06.2012. L'prisc é de 42€ por iscriç KVV y 44€ por i atri. L'bus pëia ia da Pedraces dales 06:15. Prenotesse pro Alma (0471-847225) o Giuvana (0471-839772).



En lünesc, ai 21.05.2012 complësc **Laura Alfarei** de Parüs 81 agn. L'Senioreclub y düta la Comunité ti aoda sanité, contentëza y benedisciun de Dî.

**Müljiga di Jogn Alta Badia:** do l'ativité dl ann passè vëgnel indò metü a jì n proiet sura düc l'isté, a chël che düc i musicontri/tres jogn, che sona da almanco 2 agn n stromënt a flé o percusiun, po tó pert. Informaziuns y iscriziuns al nr. 346-9435181 (Florian) çina ai 27.05.2012.

**La Uniun Patrones Raiun de Puster** organisëia n iade tla Val dei Mocheni ai 25.05.2012. Prenotaziuns pro Rita (335-1019128).

**L'Sorvisc ai jogn** lascia alsavëi che l'local di jogn é davert la jöbia dales 15:00 ales 19:30 por chi dla elementara y vigni vëndres dales 17:00 ales 21:30 por düc i atri jogn. Vigni 1. y 3. **sabeda dl mëis** é davert por düc i jogn dales 18:00 ales 22:30.


L'Sorvisc ai jogn organisëia n **proiet "sógun al teater"** cun Simon Kostner por mituns/mitans dla scola mesana dal 16 de messè ai 10 de agost por 3 dis al'edema dales 09:00 ales 16:00 a San Martin. L'cost é de 75 € y informaziuns ciafëise al nr.tel. 0474/523070.

**Proiet "Isté deboriada 2012"**. Al é çiamò posc lëdi y l'Sorvisc ai jogn tol sö les iscriziuns te orar de ofize: dales 8 ales 12 y dales 13 ales 17.

**VAGNELE** dla festa de **PASCA DE MÀ** - do Jan 15, 26-27; 16,12-15.

Te chël tëmp à Gejù dit a sù discepu: Canch'al vëgn le paraclët, ch'i ves mëni dal pere infora, le Spirit dla verité che provëgn dal Pere, dailò daral jö testimonianza por mè. Y inçe os desses dè jö testimonianza, deach'i sëis dal scomenciamënt incà pro mè.

I à çiamò tröp da ves dì, mo sëgn ne sëise nia bugn da portè na te' çiarä. Mo canch'al vëgn ël, le Spirit dla verité, ves condejaral ite te döta la verité. Deach'al ne baiarà nia fora de sè instës, mo al dijarà çì che ël alda, y ves incundarà çì che gnarà. Èl me glorificarà, deach'al tolarà de çì che é mi y ves l'incundarà. Döt, çì che le Pere à, é mi; porchël ài dit: Al tol de çì che é mi y ves l'incundarà.



**Usc dla Cüra**

**BADIA**

Tel./Fax 0471 839571 - E-Mail: [parrocchiabadia@libero.it](mailto:parrocchiabadia@libero.it) - [www.valbadiaonline.it](http://www.valbadiaonline.it)

Nr. 26

Edema: 20.05. - 27.05.2012




**Christi Simmelfahrt**

Er ist da,  
wo er hingehört,  
von wo er gekommen ist,  
wovon er verkündet hat,  
wohin die kommen,  
die ihm folgen.

**Prüma Santa Comunian**

Insciö

diz Gejù: „Foledè  
y mangedene düc:



Chësc  
é mi corp;  
chësc é mi sanch.“



## FUNZIUNS SACRES

### 20.05. FESTA dl'ASSËNZA dl SIGNUR

#### **Festa dla Prüma Santa Comuniun**

09.45 Ingrès di neocomunicanc te dlija – S.Mëssa

18.00 †to Friedl Castlunger - aniversar

†to Hermann Irsara - Pescol

†ti Vijo y Anna Frenademetz



### 21.05. Lünesc (*Mëssa cun i crejimà*)

20.00 †ta Maria Piccolruaz (dala Uniun dles Èles)

por fam. Agnese y Lorenzo Tasser en ringraziamënt

por fam. Rosmarie y Aldo Irsara en ringraziamënt

### 22.05. Mertesc

20.00 Devoziun de mà (*cun la Schira Jonila*)

### 23.05. Mercui

07.25 †ti Emma y Emil Pitscheider - aniversar

†tes Caterina y Albina Trebo – aniversar

†tes Domitilla y Suor Maria Pitscheider

### 24.05. Jöbia – Dé de oraziun por i cristiagn tla Cina

20.00 Devoziun de mà (*cun i mituns Prüma S. Comuniun*)

### 25.05. Vëndres

07.25 †to Alfred Rungg - aniversar

†to Carlo Dapunt

vis y †ti dla fam. Lois Valentin da Pedraces

### 26.05. Sabeda

16.00 S.Mëssa a Oies

20.00 Devoziun de mà (*cun l'Grup de Volontariat*)

### 27.05. FESTA de PASCA de MÀ

08.00 *Esposiziun dl Santiscimo - Adoraziun*

10.00 Mëssa solena en onur dl Spirit Sant

15.00 Prozesciun cun "Chël Bel Dî dala Crusc"


18.00 †ta Candida Castlunger

†ta Anna Bernardi


†to Alfonso Irsara



## Dala VITA dla CÛRA



En sabeda, ai 19.05.2012 se à uni tl Sacramënt dl **MATRIMONE** Marlies Ploner cun Christian Sorà da Longiarù. La Comunità de Badia ti aoda tröpa ligrèza y benedisciun de Dî sön so tru deboriada.



**I Crejimà** é invià da gnì en lünesc, ai 21 de mà dales 19:30 tla stüa di paur a fà na picera proa de ciantè en preparaziun ala S.Mëssa de ringraziamënt che gnarà tignida l'lünesc ai 4 de jügn.

L'incuntada por chi dla Crejima dl proscimo ann ne sarà **nia en mercui**, mo gnarà spostada a d'altonn.

**Spligaziun di salms:** en mertesc, ai 22.05.2012 dales 20:30 sarà Siur Sepl Granruaz che spliga por ladin l'salm 101/102 "Krise, Krise! Man spürt Krise überall. Bitte, übersehen wir nicht die Aussichten auf eine erneuerte Gesellschaft". Düc é dër bel invià.

**Referat** de Agnes Irsara söl tema "Se lascè menè dal Spirit Sant": en mertesc, ai 22.05.2012 dales 20:00 te Ciasa dles Uniuns a Calfosch y en mercui, ai 23.05.2012 dales 20:30 tl salf dles uniuns a La Val.

### PASCA de MÀ 2012

#### Ores de adoraziun

08 – 09	Pedrases - Sompunt – Paracia – Ciaminades - Damez
09 – 10	Fisti – Larcenèi – Craciurara – Reslada – Castalta – Adang – Pescolderunch – Peslalz – Pescol - Val - Crafunara
10	<b>Mëssa Grana</b>
11 - 12	S.Linert
15	<b>Prozesciun cun "Chël Bel Dî dala Crusc"</b>
16 – 17	Ruac – Alfarèi – Pransarores – Rainé – Cianacèi – Oies Frëinademez – Anvi – Sotrù – Jusciara – Runch – Parüs Puntac – Sotgherdëna
17 – 18	Costa – Curcela – Sotciastel – Grones – Piz – Valgiarèi – Col d' Anvi – Andrac – Cialaruns Conclujiun y benedisciun
18	<b>S.Mëssa</b>